

第二冊 第三課 美麗的學校

〈畫圖〉

口白：陳老師咧教畫圖。豆仔恰飯粒仔攞畫甲真認真，豆仔坐佇冊桌仔頭前，擰一枝烏色的蠟筆咧畫圖。

豆仔：畫好矣！

陳老師：豆仔，你這幅圖是按怎烏赳赳？

飯粒仔：著啊，老師是叫咱畫花園呢。你看我的！

陳老師：你看，花園內底有真濟花，有紅的、有黃的。

豆仔：老師，我畫的是暗時仔的花園，花園內有真濟花，毋過拄仔好停電，結果就烏赳赳矣。

陳老師：停電的花園？若按呢我閣出一個題目，你來畫庄跤的風景，袂使閣畫暗時仔喔！

豆仔：好，無問題。

飯粒仔：老師我嘛欲畫。

陳老師：好啊。

飯粒仔：老師，我畫好矣！

陳老師：飯粒仔，你干焦畫牛喔？哪會無愛畫牛食草咧？

飯粒仔：因為牛共草仔攞食了了矣。

豆仔：飯粒仔，你牛畫了真成呢！真正是烏矸仔貯豆油無地看喔。

陳老師：猶毋過，牛應該是咖啡色的，是按怎你畫青色恰柑仔色咧？

飯粒仔：我明明先畫黃色，才閣畫藍色，想袂到煞變成青色。

豆仔：抑柑仔色咧？你敢是用黃色閣加紅色的？

飯粒仔：豆仔，你偷看我畫乎？

豆仔：我才無咧，老師有教咱按怎調色啊！

飯粒仔：豆仔，是按怎你的圖規个攞畫藍色的？

豆仔：因為我畫的是海底的庄跤啊，恁看，遮閣有一尾茄仔色的魚喔。

~~陳老師：想袂到……海底嘛有庄跤喔。~~

~~豆仔：著啊，規个海底攞是藍色的啊！~~

飯粒仔：我看你是貧憊畫圖！

豆仔：你干焦畫兩隻牛，講啥物牛共草食了了，你才貧情咧！

飯粒仔：你上貧情啦！

豆仔：你啦！

陳老師：哎，恁兩個，一个半斤，一个八兩啦！

【激頭殼】

1. 豆仔畫的魚仔是啥物色水?請共色水畫起去。
2. 豆仔恰飯粒仔畫的圖裡，有用著幾種色水?